

受正元機神光經

張三丰先生遺集

弟子吳海雲輯

取驗要訣

凡驗神光當先澄心靜慮默恭存想其所向之方所為之事及所欲接對之人存想既定然後以兩手中指緊按左右月窟緩而搖之其光自見青者憂白者虛驚紅者黃者吉慶有喜事黑者大凶取之無光則不日而絕矣

源流確論

夫神光者一身之主宰五臟之精英根於靈台之中見於月窟

道藏輯要

三丰全集

神光經

七

續集十二

之際不假人力取驗如神昔李光弼野宿取神光不吉而知高暉之有謀急移營避之乃得免禍蓋得此法也孔子十日不見神光而知死期將至遂有泰山梁水之嘆近世浮屠有預知死期者亦本此法焉史書不載予授異人之傳君子得之可以師兵討罪可不促裹遠遊可以避患於未來可以祛疑於未決不假著龜無勞思慮然必正心誠意乃可得之若乃僞意非心以求僥倖者則神自不存胡吉凶之可憑乎循理君子得此宜寶而秘之非人勿傳也

定神湯序

凡居倉卒之際或事擾心怯神必不定神不定則光亦憑之而

忒故須先服定神湯然後心定神安驗之自無不中矣

定神湯方

天門冬 一兩去心 人參 一兩肥大滋潤者去茸

茯神 三兩去皮 石菖蒲 五錢要九節者去毛

甘草 五錢炙去皮 辰砂 五錢要磊粒光明者

麝香 一錢要真者同辰砂另研極細

右伴依法修制為細末將砂射和勻黃連燈心泡湯調服二錢如神氣自定無他事煩擾者不服

事君篇

事君以忠或上封事或面奏對少有差謬禍莫大焉必先午夜

道藏輯要 三羊全集 神光經

八 續畢集十三 11813

驗其神光若得紅光輝焰必主天顏有喜嘉納所言黃色而光圓大者必主賞勞或賜宴酒食進陞官爵之喜青者必主虛驚白者言無所納且有威罰之恐黑者大凶自宜警戒

臨敵討罪篇

凡臨敵討罪須驗神光色紅黃明且耀者必大勝縱彼千軍萬騎攻之我亦無虞如青黑色或神光不見急宜徙營別所如白色則不宜進兵必有破軍折將之患

野宿篇

凡遇夜野宿或所處有疑須澄心靜慮速驗神光若青色則有姦人至黑色賊兵來白色親近有謀紅黃色焰可高枕無虞矣